

撰集百緣經

卷二

四百廿四
經二

50940

八



元禧九年丙子二月日重脩

皇圖鞏固 帝階級昌

佛日增輝 懋輪常轉

山城州天安寺法金剛院置

撰集百緣經卷第二

涇

吳月支優婆塞支謙譯

報應受供養品第二

船師請佛度水緣十一

佛在舍衛國祇樹給孤獨園伊羅拔河邊有

諸船師止住河側尔時如來將諸比丘詣彼

聚落欲度於水化諸船師是諸人等見佛來

至各懷歡喜乘船度水前禮佛足白言世尊

明日屈意乘船度水佛即然可莊嚴船舫平

治道路除去瓦石汚穢不淨豎立幢幡香水

灑地散衆妙華莊嚴船舫待佛及僧尔時世

尊明日時到將諸比丘往至河側乘船度水



至彼聚落敷座而坐諸船師等察衆坐定手
自斟酌餽饍飲食供養訖已皆於佛前渴仰
聞法尔時世尊即爲如應說四諦法心開意
解有得須陀洹者斯陀含者阿那含者乃至
發於無上菩提心者時諸比丘見是供養及
度於水恠未曾有前白佛言如來先世宿植
何福今者乃有如是自然供養及以度水尔
時世尊告諸比丘汝等諦聽吾當爲汝分別
解說乃往過去無量世時波羅捺國有佛出
世号毗閻婆將諸比丘遊行他國教化衆生
至一河側有諸商客賣持珍寶從他邦來到
彼岸見佛世尊及六万二千阿羅漢衆深

生信敬前白佛言欲度水耶佛即然可設諸
餽饍供佛僧已唯願世尊在前而度儻有劫
賊奪諸比丘衣鉢所須尔時世尊即便度水
為諸商人種種說法各懷歡喜發菩提心即
授商主記汝於來世當得作佛号釋迦牟尼
廣度衆生不可限量佛告諸比丘欲知彼時
商主者則我身是彼時商客者今六万二千
阿羅漢是皆由彼時供養佛故無量世中不
墮惡趣天上人中當受快樂乃至今者自致
成佛故有人天來供養我尔時諸比丘聞佛
所說歡喜奉行

灌頂王請佛緣十二

佛在王舍城迦蘭陀竹林。爾時世尊將諸羅漢六萬二千詣拘毗羅國。彼諸民衆稟性賢善慈仁孝順。意志寬博。於時如來作是念言。吾今當作牛頭栴檀重閣講堂。化彼民衆。作是念已。時天帝釋知佛心念。即共天龍夜叉鳩槃荼等。各各齎持牛頭栴檀樹奉上。世尊爲於如來造大講堂。天諸牀檣。卧具被褥。天須陀食。自然備有。供養佛僧。時彼民衆見是事已。恠未曾有。各作是言。今者如來乃能有是大功德利。乃感諸天。置斯供養。即共同時往詣佛所。前禮佛足。却住一面。佛即爲其說四諦法。心開意解。有得須陀洹者。斯陀含者。

阿那含者乃至發於無上菩提心者時諸比丘見是諸天所獻供養及以牀檣嘆未曾有而白佛言不審如來宿植何福乃使諸天置斯供養尔時世尊告諸比丘汝等諦聽吾當爲汝分別解說乃往過去無量世時波羅捺國有佛出世号曰梵行將諸比丘遊行教化到灌頂王所聞佛來至出城奉迎前礼佛足請佛及僧臨顧屈意受我三月四事供養佛即然可尋便安置重閣講堂牀檣卧具及諸餽饌供養三月復以妙衣各施一領佛便爲王種種說法心懷歡喜發菩提心即授玉記汝於來世當得作佛号釋迦牟尼過度衆生

不可限量佛告諸比丘欲知彼時灌頂王者
則我身是彼時羣臣者今六万二千阿羅漢
是皆由彼時供養佛故無量世中不墮惡趣
天上人中常受快樂乃至今者自致成佛故
有人天來供養我今時諸比丘聞佛所說歡
喜奉行

法護王請佛洗浴緣十三

佛在舍衛國祇樹給孤獨園時彼城中有五
百賈客往詣他邦販賣求利涉路進引到曠
野中迷失逕路靡知所趣值天暑熱渴乏欲
死各各跪拜諸天神等以求福祐皆無有感
時諸商中有一優婆塞白衆人言如來世尊

常以大悲晝夜六時觀察衆生誰受苦厄而往拔濟我等今者咸共至心稱南無佛陀以救苦厄時諸商客聞是語已各各同聲稱南無佛陀願見救濟此諸渴熱於時如來遙聞衆客稱佛名号與天帝釋尋往到彼諸賈客所降大甘雨熱渴得除各懷歡喜達到本國請佛及僧佛即然可豎立幢幡懸諸寶鈴香水灑地散諸妙華燒種種香備辦餽饌往白世尊唯聖知時食具以辦尔時世尊著衣持鉢將諸比丘往至其家受彼供已時諸商人渴仰聞法佛即爲其種種說法心開意解有得須陀洹者斯陀含者阿那含者乃至發於

無上菩提心者時諸比丘見是事已而白佛
言如來世尊宿植何福乃使商客置斯供養
復獲道果尔時世尊告諸比丘汝等諦聽吾
當爲汝分別解說乃往過去波羅捺國有佛
出世号栴檀香將諸比丘詣法護王國值天
元旱苗稼不收王聞佛來將諸羣臣奉迎世
尊受我三月四事供養佛即然可於其城內
復造浴池洗浴佛僧發大誓願持此功德願
天帝釋降大甘雨遍閻浮提潤益苗稼給濟
衆生發是願已天尋降雨莫不蒙賴即造八
万四千寶瓶盛佛浴水賜閻浮提八万四千
諸城各與一瓶勅令造塔而供養之因發無

上菩提之心時梅檀香佛即授王記汝於來
世當得成佛号釋迦牟尼廣度衆生不可限
量佛告諸比丘欲知彼時法護王者則我身
是彼時群臣者今諸比丘是皆由彼時供養
佛故無量世中不墮惡趣天上人中常受快
樂是故今者得致成佛故有人天來供養我
尔時諸比丘聞佛所說歡喜奉行
佛救濟疫病人緣十四
佛在王舍城迦蘭陀竹林時那羅聚落多諸
疫鬼殺害民衆各競求請諸天善神惴望疫
病漸得除降如是數跪病無降愈時聚落中
有一優婆塞語衆人言如來在世利安衆生

我等當共一心稱南無佛陀以求救濟病苦
之患時諸人等聞是語已咸各同時稱南無
佛陀唯願世尊大慈憐愍覆蔭我等疾疫
苦余時世尊常以大悲晝夜六時觀察衆生
誰受苦厄尋往化度使修善法永拔諸苦見
此疫病諸人民等同時一心稱佛名号以救
疫病余時如來將諸比丘往彼聚落以大慈
悲熏諸民衆勸令修善疫鬼同時皆悉退散
無復衆患時聚落人見於如來利安民衆各
作是言我等今者蒙佛遺恩得濟軀命明當
設會請佛世尊作是語已各詣佛所前禮佛
足長跪請佛唯願世尊受我等請佛即然許

時諸民衆知佛許已還歸家中平治道路除
去瓦石污穢不淨豎立幢幡懸諸寶鈴香水
灑地散諸妙華安置牀榻備辦餽饌往白世
尊食具以辦唯聖知時尔時世尊著衣持鉢
將諸比丘來入聚落受其供已時諸民衆渴
仰聞法佛即爲其種種說法心開意解有得
須陀洹者斯陀含者阿那含者乃至發於無
上菩提心者時諸比丘見是事已而白佛言
如來世尊宿植何福乃感民衆置斯供養及
除疫病尔時佛告諸比丘衆汝等諦聽吾當
爲汝分別解說乃往過去波羅捺國有佛出
世号日月光將諸比丘至梵摩王國受王供

已長跪白佛願見救濟此諸民衆災疫疾患
尔時世尊尋持所著僧伽黎衣授與彼王繫
于幢頭各共供養疫鬼同時自然退散無復
災患王大歡喜發菩提心佛授王記汝於來
世當得作佛号釋迦牟尼廣度衆生不可限
量佛告諸比丘欲知彼時梵摩王者則我身
是彼時羣臣者今諸比丘是皆由彼時供養
佛故無量世中不墮惡趣天上人中常受快
樂是故今者致得成佛故有人天來供養我
尔時諸比丘聞佛所說歡喜奉行
天帝釋供養佛緣十五
佛在王舍城迦蘭陀竹林尔時提婆達多極

大愚癡憍慢嫉妬教阿闍世王立非法制擊
鼓唱令不聽民衆賈持供養詣瞿曇所時彼
城中有信佛者聞是制限憂愁涕泣悲感懊
惱感天宮殿動搖不安時天帝釋作是念言
我此宮殿有何因緣如是動搖尋自觀察見
阿闍世王立非法制令彼城人憂愁涕泣感
我宮殿動搖如是尋即來下高聲唱言我今
自當供養佛僧作是唱已即往佛所前禮佛
足長跪請佛唯願世尊及比丘僧盡其形壽
受我供養佛不然可復白佛言若不受我終
身供養當受五年佛亦不許復白佛言若不
受五年當受五月佛亦不許復白佛言若不

受五月當受五日佛即然可尋變迦蘭陀竹
林如毗闍耶殿牀檜卧具天酥陀食盛以金
器與諸天衆手自斟酌供養佛僧時阿闍世
王在高樓上遙見迦蘭陀竹林猶天宮殿天
酥陀食盛以寶器見天帝釋與諸天衆手自
斟酌供養佛僧時阿闍世王覩斯事已即自
悔責極大瞋恚罵提婆達多汝是癡人云何
教我橫加非法向於世尊作是語已即於佛
所深生信敬時諸羣臣前白王言願王今日
改先制限令諸民衆得見如來隨意供養尋
勅司官擊鼓唱令自今已去聽諸民衆設諸
餽饈供養佛已尔時世尊即便爲其種種說

法心開意解有得須陀洹者斯陀含者阿那
含者乃至發於無上菩提心者時諸比丘見
是事已嘆未曾有而白佛言如來世尊宿植
何福乃使天帝置斯供養尔時世尊告諸比
丘汝等諦聽吾當為汝分別解說乃往過去
無量世時波羅捺國有佛出世号曰寶殿將
諸比丘遊行教化到伽翅王國聞佛來至將
諸羣臣奉迎世尊長跪請佛受我三月四事
供養佛即然可受其供已佛便為王種種說
法發菩提心佛授王記汝於來世當得作佛
号釋迦牟尼廣度衆生不可限量佛告諸比
丘欲知彼時伽翅王者則我身是彼時羣臣

者今諸比丘是皆由彼時供養佛故無量世
中不墮地獄畜生餓鬼天上人中常受快樂
乃至今者自致成佛故有人天而供養我亦
時諸比丘聞佛所說歡喜奉行

佛現帝釋形化婆羅門緣十六

佛在王舍城迦蘭陀竹林時彼國中有一輔
相名曰梨車信邪倒見不信因果教阿闍世
反逆殺父自立爲王心懷喜悅勅諸臣民施
設大會聚集百千諸婆羅門共立峻制不聽
往至詣瞿曇所諮稟所受諸婆羅門聞是語
已皆不復往每於一時密共聚會或有說言
我韋陀經說云瞿曇沙門者皆是我等天之

大主今共稱名或能來至詣於會所我等當
共盡形奉事作是語已咸共稱名南無瞿曇
沙門來赴此會受我等請尔時如來常以慈
悲晝夜六時觀察衆生誰應可度尋往度之
知諸婆羅門善根已熟應受我化自變其身
作帝釋形乘虛來入赴婆羅門會各起奉迎
請命令坐而作是言我等所求今悉獲得當
共盡形奉事帝釋咸皆稱善尔時世尊知諸
婆羅門心已調伏還復本形爲其如應說四
諦法心開意解獲須陀洹果各懷喜悅並共
施設百味飲食請佛及僧供養訖已時諸比
丘見是事已前白佛言如來往昔宿殖何福

乃能使此諸婆羅門設諸餽饌供養佛僧。介
時世尊告諸比丘。汝等諦聽。吾當爲汝分別
解說。乃往過去無量世時。波羅捺國有佛出
世。号曰妙音。將諸比丘到寶殿王所。王聞佛
來。至與諸羣臣奉迎。世尊受我三月四事。供
養佛。即然可三月之中。受王供已。於其齋中
出七寶蓮華。各有化佛。結跏趺坐。放大光明。
上至阿迦膩吒天下。至阿鼻地獄。時寶殿主
見是變已。發於無上菩提之心。佛授王記。汝
於來世當得作佛。号釋迦牟尼。過度衆生不
可限量。佛告諸比丘。欲知彼時寶殿王者。則
我身是彼時羣臣者。今諸婆羅門是皆由彼。

時供養佛故無量世中不墮地獄畜生餓鬼
天上人中常受快樂乃至今者自致成佛故
有人天來供養我亦時諸比丘聞佛所說歡
喜奉行

軋闍婆作樂讚佛緣十七

佛在舍衛國祇樹給孤獨園時彼城中有五
百軋闍婆善巧彈琴作樂歌舞供養如來晝
夜不離名聞遠徹達於四方時彼南城有軋
闍婆王名曰善愛亦巧彈琴作樂歌舞於彼
土中更無誚對憍慢自大更無有比聞其比
方有軋闍婆善巧彈琴作樂歌舞故從彼來
涉歷諸土逕十六大國彈一弦琴能令出於

七種音聲聲有二十一解時諸人民聞其彈
琴作樂歌舞歡娛自樂狂醉放逸不能自制
共相隨逐來詣舍衛欲得見王致意問訊搆
試伎術時城郭神及軋闍婆啓白王言云南
方國有軋闍婆王名曰善愛使能彈琴作樂
戲笑今在門外致意問訊云在彼間遙承王
邊有軋闍婆善巧彈琴歌舞戲笑故從遠來
求共搆試彈琴伎術願王今者聽使所白時
波斯匿王告守門者疾喚來入共王相見各
懷歡喜善愛白言承聞王邊有軋闍婆善巧
彈琴歌舞戲笑今在何許我今當共搆試伎
術王即荅言我不相憚去此不遠我今共汝

往至于彼隨意拊試時王然可至世尊所佛
知王意尋自變身化作軋闍婆王將天樂神
般遮尸棄其數七千各各手執瑠璃之琴侍
衛左右時波斯匿王語善愛言此皆是我作
樂諸神汝今可共拊試琴術時善愛王即便
自取一弦之琴而彈鼓之能令出於七種音
聲聲有二十一解彈鼓合節甚可聽聞能令
衆人歡娛舞戲昏迷放逸不能自持今時如
來復取般遮尸棄瑠璃之琴彈鼓一弦能令
出於數千萬種其聲婉妙清徹可愛聞者舞
笑歡娛愛樂喜不自勝時善愛王聞是聲已
嘆未曾有自鄙慙愧先所彈琴所出音聲即

便引伏長跪叉手請爲大師更諮琴法。爾時如來見善愛王除去我慢心已調伏還復本形。諸比丘僧嘿然而坐。心驚毛豎。尋於佛前深生信敬。長跪合掌求入道次。佛即告言。善來比丘。鬚髮自落。法服著身。便成沙門。精勤修習。未久之間。得阿羅漢果。時波斯匿見。唐愛王心已調伏。復得道果。心懷歡喜。長跪請佛及比丘僧。佛即然可勅諸群臣。平治道路。除去瓦石污穢。不淨。建立幢幡。懸諸寶鈴。香水灑地。散衆名華。安置牀檣。設諸餽饌。供養佛僧。時諸比丘見是供養。恠未曾有。而白佛言。如來世尊。宿植何福。今者乃有如是音樂。

供養如來終不遠離。爾時世尊告諸比丘。汝等諦聽。吾當爲汝分別解說。乃往過去無量世時。波羅捺國有佛出世。号曰正覺。將諸比丘遊行教化。至梵摩王國。在一樹下結跏趺坐。入火光三昧。照于天地。時彼國王將諸群臣數千萬衆。出城遊戲。作倡伎樂歌舞戲笑。遇見彼佛及比丘僧。在於樹下結跏趺坐。光明赫奕。照于天地。如百千日。心懷歡喜。將諸伎女。往到佛所。前禮佛足。作樂供養。長跪請佛。唯願世尊及比丘僧。大慈憐愍。愍來入宮中。受我供養。佛即然可。設諸餽饍。供養訖。已。佛即爲王種種說法。發菩提心。即授王記。汝於

來世當得作佛。号釋迦牟尼。廣度衆生。不可
限量。佛告諸比丘。欲知彼時梵摩王者。則我
身是彼時群臣者。今諸比丘。是皆由彼時供
養佛。故無量世中。不墮地獄。畜生。餓鬼。天上
人中。常受快樂。乃至今者。自致成佛。有是音
樂。而供養我。終不遠離。尔時諸比丘。聞佛所
說歡喜奉行。
如願臨當刑戮。求佛出家。緣十八
佛在舍衛國祇樹給孤獨園。時彼城中有一
愚人名曰如願。好喜殺生。偷盜邪淫。為人糾
告。王勅收捕。繫縛送市。順行唱令。送至殺處。
親欲刑戮。值見世尊。作禮歸躬。具說罪狀。今

當就死命在不久唯願世尊大慈憐愍爲我
白王聽使出家死不復恨尔時如來即便然
可告阿難言汝可往語波斯匿王云吾今日
從王乞索此一罪人用爲出家是時阿難受
佛教勅尋即往到語波斯匿王今日世尊從
王乞索此一罪人用爲出家王聞佛語勅放
罪人送與世尊度令出家精勤修習未久之
間得阿羅漢果時諸比丘見是如願臨死得脫
出家未久復獲道果歎未曾有而白佛言如
來世尊宿植何福出言信用救彼罪人得濟
身命不審世尊其事云何尔時世尊告諸比
丘汝等諦聽吾當爲汝分別解說乃往過去

無量世時波羅捺國有佛出世号曰帝幢將
諸比丘遊諸聚落教化衆生於其路次值一
仙人見佛世尊三十二相八十種好光明暉
曜如百千日心懷歡喜前禮佛足請命就坐
設諸餽饍供養佛已因發願言使我來世出
言信用佛即荅言使汝所求必得如願如我
今者無有異也時彼仙人聞佛語已即於佛
前發於無上菩提之心即爲授記汝於來世
當得作佛号釋迦牟尼廣度衆生不可限量
佛告諸比丘欲知彼時仙人者則我身是以
我過去敬順佛故今者出言無不信受救彼
罪人得免身命及獲道果尔時諸比丘聞佛

所說歡喜奉行

頻婆娑羅王請佛緣十九

佛在王舍城迦蘭陀竹林。爾時頻婆娑羅王將十二億那由他人往詣佛所。前禮佛足。長跪請佛。唯願世尊大慈憐愍。將諸比丘受我終身四事供養。佛不許可。復白佛言。若不受我終身供養。當受十二年。佛亦不許。復白佛言。若不受十二年。當受十二月。佛亦不許。言若不受我十二年。當受十二月。佛亦不許。復白佛言。若不受十二月。當受三月。四事供養佛。即然可。勅諸臣民。平治道路。除去瓦石。污穢不淨。建立幢幡。懸諸寶鈴。香水灑地。散諸妙華。安置牀檯。楡卧具。被蓐。備辦餽饍。將諸

群臣各各執蓋蓋佛衆僧入王舍城足蹈門
闔地大震動城中寶藏自然涌出盲者得視
聾者得聽啞者能言躄者得申貧者得寶空
中伎樂不鼓自鳴象馬衆鳥相和悲鳴虛空
之中雨衆妙華至于王宮設諸餽饌百味飲
食供養佛僧經於三月受王供已佛即爲王
種種說法心懷喜悅即以加尸育衣施佛及
僧退坐一面時諸比丘而白佛言如來世尊
宿植何福乃獲如斯上妙供養尔時世尊告
諸比丘汝等諦聽吾當爲汝分別解說乃往
過去無量世時波羅捺國有佛出世号曰差
摩將諸比丘遊行教化到寶勝國王名伽翅

聞佛來至心懷歡喜將諸群臣出城奉迎前
禮佛足長跪請佛唯願世尊慈哀憐愍受我
供養佛即然可設諸餽餼供養佛已渴仰聞
法佛即為王種種說法心懷歡喜即於佛前
發於無上菩提之心佛授王記汝於來世當
得作佛号釋迦牟尼利安衆生不可限量佛
告諸比丘欲知彼時伽翅王者則我身是彼
時諸臣者今諸比丘是由於彼時供養佛故
無量世中不墮地獄畜生餓鬼天上人中常
受快樂乃至今者自致成佛故有人天來供
養我尔時諸比丘聞佛所說歡喜奉行
帝釋變迦蘭陀竹林縁二十

佛在王舍城迦蘭陀竹林時彼城中有一長者名曰瞿沙財寶無量不可稱計然彼長者信邪倒見奉事外道不信佛法時大目連觀是長者極生邪見畏墜三塗不可拔濟生憐愍心即作方便告帝釋言汝今可變迦蘭陀竹林令作七寶諸天宮殿等無有異懸諸幡蓋及諸寶鈴諸天妙華以散其地天須陀食自然備有供養佛僧伊羅鉢龍執持幡蓋諸佛頂上又諸龍王各各執持種種幡蓋諸比丘舍尸夫人將諸姝女各各執扇在佛左右執扇扇佛般遮尸棄軋闍婆衆作天伎樂以娛樂佛時彼長者見其如是嘆未曾有即

於佛所深生信敬往詣佛所唯願世尊慈哀
憐愍受我供養佛嘿然許還至家中設供飲
食遣使白佛食具已辦唯聖知時尔時世尊
著衣持鉢將諸比丘往至其家受其供已佛
即爲其種種說法心開意解得須陀洹果時
諸比丘見此神變如斯供養恠未曾有而白
佛言如來世尊宿植何福乃獲斯報尔時世
尊告諸比丘汝等諦聽吾當爲汝分別解說
乃往過去無量世時波羅捺國有佛出世号
曰滿願將諸比丘遊行教化到梵摩王國聞
佛來至將諸群臣出城奉迎前禮佛足長跪
請佛唯願世尊受我供養佛即然可勅諸群

臣施設種種百味飲食供養訖已佛即為王
種種說法發菩提心即授王記汝於來世當
得作佛号釋迦牟尼廣度眾生不可限量佛
告諸比丘欲知彼時梵摩王者則我身是皆
由彼時供養佛僧無量世中不墮地獄畜生
餓鬼天上人中常受快樂乃至今者自致成
佛故有人天來供養我余時諸比丘聞佛所
說歡喜奉行

百緣經卷第二

徑

船舫

下音放

斟酌

上音針

牀檣

上床字下音塔

被褥

下音厚

他邽

下正邦作

販賣

上方反

逕路

上正古定反作

徑靡

緬彼反

允旱

下音旱

苦伽翅

下音智

峻制

上音閏

逕十

上音經

古作

娛樂

上音愚

訖訊

二音同

掬試

上音角

婉妙

上音阮

反紆

鄙

下音美

倡伎

上音渠

倚反

赫弈

上音許

客反

刑戮

六

下音

紉告

上音俱

有反

足蹈

下音盜

門闌

下音門

也

癖者

上音平

必亦反

借韻

足蹈

下音盜

門闌

下音門

也

通

